



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

13 b Briccius Bischoff zů Turon.

**urn:nbn:de:hbz:466:1-41449**

Der auß Marsilia geborn/ auß seines Vatters Haus ein  
Kloster machet / vnnnd seine äcker zu desselben Klosters  
nutz gab.

Item der heyligen Frawen vnd Marterin Gra-  
phaildis / welche öffentlich schreye / daß der H. Marte-  
rer Euinius vnschuldig wäre / vnnnd vnrechtlich lidte/  
ward darumb sampt ihrem klainen Kind Ductio von  
den Gottlosen getödt.

Item des H. Bischoffs vnd Beichtigers Kenatt.

Item zu Deuenter bey dem Fluß Isel die begräb-  
nuß des heyligen Priesters vnnnd Beichtigers Lebuini/  
welcher durch Göttliche ermahnung auß Engeland will-  
iglich zog / vnnnd den Sächsischen Völkern bey dem  
Fluß Isel das Euangelium Gottes verkündiget / vnnnd  
darumb vil trübsal vnd verfolgung erlidte / aber doch im  
Freiden verschieden ist zum Herren.

Item des heyligen Beichtigers Imaris / der ein  
Maister war S. Malachie des Patriarchen in Irland.  
Von dem weyter am 9. tag diß Monats.

b Idibus Nouembris.

### Der XIII. Tag im Weinmonat.

**S** Rauenna ist heut der Geburtstag der heyligen  
Marterer Valentini / Salutoris vnnnd Victoris/  
welche in der Diocletianischen verfolgung / vmb  
Christi willen ritterlich gestritten / vnnnd alle Marter  
dapffer überwunden haben.

Item in der Statt Aquis / in der Prouinz gele-  
gen / des heyligen fürtrefflichen Marterers Nitris / von  
dem Gregorius Turonensis bezeuget.

V o v

Item

## November

Item in Aphyrica der heyligen Marterer Arcabli/  
Paschasij / Probi / vnnnd Eutichiani / welche alle auß  
Hispanien geborn / vnnnd dem König in Aphyrica sehr  
lieb waren. Als sie aber in kainen weg die Arianische  
Ketzerey annehmen wolten / waren sie ins ellend getri-  
ben / auch mit mancherley marter gepeinigt / vnd end-  
lich mit mancherley tod ombbracht. Mit wellichen  
auch der Knab Paulissus lang mit stecken geschlagen/  
vnnnd von Syrico der Wandalen König zu gering-  
ster dienstbarkeit verordnet / aber nicht getödtet ward.

Anno Dñi  
460.

Anno Dñi  
450.

Item zu Turon die begräbnuß des heyligen Bi-  
schoffs vnd Beichtigers Briccii / welcher im Bisthumb  
des heyligen Martini Nachkömmling war / ist aber von  
seinem Bischoflichen Sitz vnschuldiglich gestossen  
worden / büßes zu Rom sibem Jar / ward darnach wider  
eingesetz / vnnnd nach dem er 47. Jar / sein Bisthumb  
löblich regiert het / verschid er im feiden.

Item in der Statt Toletto des H. Bischoffs vnd  
Beichtigers Eugenii / der S. Dionysij Arcopagite jün-  
ger gewesen / vnd mit seinem Predigampt vnnnd Exem-  
peln bey den Heiden trewlich gearbeitet / vil Wunder-  
zeichen gethan / vnd in der Domitianischen verfolgung/  
grosse gedult bis zum bitteren tod erzaiget hat.

Item der heyligen fünffsig Marterer vnd Orato-  
ren / welche sich wider S. Catharinam zu disputieren  
einliessen / vñ völdends alle / wie geschickt / wolredend vñ  
gelehrt sie immer waren / sich von ihr zum Christlichen  
Glauben wunderbarlich beköhrten / vnd umb bekann-  
nuß des wahren Glaubens / enthaupten lieffen. Davon  
weyter am 25. tag dis Monats.

Item zu Paris die einschaffung des H. Bischoffs  
vnd

vnd Beichtigers Gandulphi / so von S. Sixto gewey-  
het / auß welliches gehais er eines Hasden gestorbenen  
Sohn vom tod erwecket. Sein Haupt rühet in der gros-  
sen Kirchen zu vnser lieben Fawen zu Paris.

Item zu Albiniaco in Attrebatenser Landschafft/  
des heiligen Bischoffs vnd Beichtigers Kiltant.

Item zu Cremona in Italia / des H. Beichtigers  
Homoboni / welcher ein Kauffmann war / aber auß  
Himilischem eingeben angerhürt / sich zu Gaislichem Anno Dñi  
vnd eingezognem Leben gar ergab / vnd nicht allein ge- 1196.  
gen GOTT gar inbrünstig / sonder auch gegen den Ar-  
men vast barmherzig / seinen Gaisß leilich auffgab  
dem Allmächtigen / als er vnder der Mess inn der Kir-  
chen bettet / bey seinem Grab werden allerley Kranken  
gesund.

Item zu Camerach / der heiligen Junckfrawen  
Maxellendis.

Item zu Aruernis die begräbnuß des H. Quin-  
tiani Bischoffs vnd Beichtigers daselbst.

c xvij. Calend. Decembris.

### Der XIII. Tag im Wintermonat.

**I**n der Statt Heraclea / in Thracia gelegen / ist  
heut der Geburtstag der heiligen Marterer Ele-  
mentini / Theodoti vnd Philomini.

Item zu Alexandria des H. Marterers Serapio-  
nis / welchem die Gottlose Verfolger vnder dem Ty-  
rannischen Kaiser Decio / grausame Marter ange- Anno Dñi  
than / also daß ihm alle seine Glider auß einander geris- 256.  
sen / vnd er von seinem Haus oben herab gestürzt / vnd  
also ein Marterer vnd Blützeug Christi war.

Item